

DIE 3 SEPTEMBRIS

## S. PII X

PAPÆ ET CONF.

Duplex

Introitus

Ps. 88, 20-22

**E**xtuli eléctum de pópulo, óleo sancto meo unxi eum: ut manus mea sit semper cum eo, et bráchium meum confirmet eum. **Ps. ibid., 2** Grátias Dómini in ætérnum cantábo: per omnes generatiónes annuntiábo fidelitátem tuam ore meo. **V.** Glória Patri. **E**xtuli.

Oratio

**D**eus, qui ad tuéndam cathólicam fidem, et univérſa in Christo instauránda sanctum Pium, Summum Pontíficem, cælésti sapiéntia et apostólica fortitúdine replevísti: concéde propítius; ut, ejus institúta et exémpła sectántes, præmia consequámur ætérna. Per eúmdem Dóminum.

Léctio Epístolæ beáti Pauli Apóstoli ad Thessalonicénses.

1 Thess. 2, 2-8

**F**ratres: Fidúciam habúimus in Deo nostro loqui ad vos evangélium Dei in multa sollicitúdine. Exhortátio enim nostra non de erróre neque de immundítia neque in dolo; sed, sicut probáti sumus a Deo ut crederétur nobis evangélium, ita lóquimur; non quasi homínibus placéntes, sed Deo qui probat corda nostra. Neque enim aliquándo fúimus in sermóne adulatiónis, sicut scitis, neque in occasióne avarítiae, Deus testis est, nec quæréntes ab homínibus glóriam neque a vobis neque ab áliis. Cum possémus vobis óneri esse ut Christi apóstoli, sed facti

sumus párvuli in médio vestrum, tamquam si nutrix fóveat fílios suos. Ita desiderántes vos cúpide volébamus trádere vobis non solum evangélium Dei, sed étiam ánimas nostras, quóniam caríssimi nobis facti estis.

**Graduale Ps. 39, 10-11** Annuntiávi justítiam in cœtu magno; ecce lábia mea non cohíbui: Dómine, tu nosti. **V.** Justítiam tuam non abscóndi in corde meo; fidelitátem tuam et auxiliúm tuum narrávi.

**Allelúja, allelúja. V. Ps. 22, 5-6** Paras mihi mensam, inúngis óleo caput meum, calix meus ubérrimus est. **Allelúja.**

*† In Missis votivis post Septuagesimam, omissis Allelúja, et Versu sequenti, dicitur:*

**Tractus Ps. 131, 16-18** Sacerdótes ejus induam salúte, et sancti ejus exsultántes exsultábunt. **V.** Illic David suscitábo cornu, parábo lucérnam uncto meo. **V.** Inimícos ejus induam confusióne, super ipsum autem fulgébit diadéma meum.

*Tempore autem Paschali omittitur Graduale, et ejus loco dicitur:*

**Allelúja, allelúja. V. Ps. 22, 5-6** Paras mihi mensam, inúngis óleo caput meum, calix meus ubérrimus est. **Allelúja. V. Ps. 25, 8** Dómine, díligo habitáculum domus tuæ et locum tabernáculi glóriæ tuæ. **Allelúja.**

✠ **Sequéntia sancti Evangélii secúndum Joánnem**

**Joann. 21, 15-17**

**I**n illo témpore: Dixit Jesus Simóni Petro: Simon Joánnis, díligis me plus his? Dicit ei: Etiam, Dómine, tu scis quia amo te. Dicit ei: Pasce agnos meos. Dicit ei íterum: Simon Joánnis, díligis me? Ait illi: Etiam, Dómine, tu scis quia amo te. Dicit ei:

**Pasce agnos meos. Dicit ei tertiò; Simon Joánnis, amas me? Contristátus est Petrus, quia dixit ei tertiò: Amas me? et dixit ei: Dómine, tu ómnia nosti; tu scis quia amo te. Dixit ei: Pasce oves meas.**

**Offertorium Ps. 33, 12 Veníte, fílii, audíte me; timórem Dómini docébo vos.**

### **Secreta**

**O**blatióibus nostris, quæsumus, Dómine, benígne susceptis, da nobis, ut hæc divína mystéria, sancto Pio Summo Pontífice intercedente, sincéris tractémus obséquiiis et fi-

déli mente sumámus. Per Dóminum nostrum.

### **Præfatio de Apostolis.**

**Communio Joann. 6, 56-57 Caro mea vere est cibus, et sanguis meus vere est potus. Qui mandúcat meam carnem et bibit meum ságuinem, in me manet et ego in illo.**

### **Postcommunio**

**M**ensæ cæléstis virtúte refécti, quæsumus, Dómine Deus noster: ut, interveniénte sancto Pio Summo Pontífice; fortes efficiámur in fide, et in tua simus caritáte concórdes. Per Dóminum.

Concordat cum originali approbato. In fidem, etc.  
Ex Secretaria S. R. C., die 21 Aprilis 1955.

L. ✠ S.

† Alfonsus CARINCI, Archiep. Seleucien.  
Secretarius

Imprimatur  
† Franciscus Cardinalis Spellman  
Archiepiscopus Neo-Eboracensis  
Novi Eboraci, Festo Ascensionis D. N. J. C., 1955

# PROPRIUM MISSARUM

QUÆ IN ALIQUIBUS DIOECESIBUS

## STATUUM FOEDERATORUM AMERICÆ SEPTENTRIONALIS

CELEBRANTUR

Missæ pro Festis Patroni alicujus Diœcesis vel Titularis alicujus Ecclesiæ Cathedralis in sequentibus mentionem non habent, si inveniuntur vel in Missali Romano vel in Missis pro aliquibus locis: secus vero in hac appendice continentur.

DIE 12 DECEMBRIS

In Archidiœc. S. Francisci, S. Fidei et Angelorum, et in Diœc. Elpasensis, Montereyensis-Fresnensis, Sacramentensis, Sancti Didaci, et Tucsonensis.

B. M. V. DE GUADALUPE

Introitus

Sedulius

**S**alve, sancta Parens, enîxa puérpera Regem: qui cælum terrámque regit in sæcula sæculórum. **Ps. 44, 2** Eructávit cor meum verbum bonum: dico ego ópera mea Regi. **Ÿ.** Glória Patri. **Salve.**

Oratio

**D**eus, qui sub beatíssimæ Vírginis Mariæ singulári patrocínio constitútos, perpétuis beneficiis nos cumulári voluísti: præsta supplícibus tuis; ut cujus hódie commemoratióne lætámur in terris, ejus conspéctu perfruámur in cælis. Per Dóminum.

Léctio libri Sapiéntiæ

**Eccli. 24, 23-31**

**E**go quasi vitis fructificávi suavitátem odóris: et flores mei, fructus honóris et honestátis. Ego

mater pulchræ dilectiónis, et timóris, et agnitiónis, et sanctæ spei. In me grátia omnis viæ et veritátis: in me omnis spes vitæ et virtútis. Transíte ad me omnes qui concupíscitis me, et a generatióibus meis implémini. Spíritus enim meus super mel dulcis, et heréditas mea super mel et favum. Memória mea in generatióes sæculórum. Qui edunt me, adhuc esúrient: et qui bibunt me, adhuc sítient. Qui audit me, non confundétur: et qui operántur in me, non peccábunt. Qui elúcidant me, vitam ætérnam habébunt.

**Graduale Cant. 6, 9** Quæ est ista, quæ progréditur quasi auróra consúrgens, pulchra ut luna, elécta ut sol? **Ÿ. Eccli. 50, 8** Quasi arcus refúlgens inter nébulas glóriæ, et quasi flos rosárum in diébus vernis.

Allelúja, allelúja. **Ÿ. Cant. 2, 12** Flores apparuérunt in terra nostra, tempus putatiónis advénit. Allelúja.



✠ Sequéntia sancti Evangélíi secúndum Lucam

Luc. 1, 39-47

**I**n illo témpore: Exsúrgens Maríá ábiit in montána cum festinátione in civitátem Juda: et intrávit in domum Zachariáe, et salutávit Elísabeth. Et factum est, ut audívit salutatióne Maríæ Elísabeth, exsultávit infans in útero ejus: et repléta est Spíritu Sancto Elísabeth: et exclamávit voce magna, et dixit: Benedícta tu inter mulíeres, et benedíctus fructus ventris tui. Et unde hoc mihi, ut véniat Mater Dómini mei ad me? Ecce enim ut facta est vox salutatiónis tuæ in áuribus meis, exsultávit in gáudio infans in útero meo. Et beáta, quæ credidísti, quóniam perficiéntur ea, quæ dicta sunt tibi a Dómino. Et ait Maríá: Magnícat ánima mea Dóminum: et exsultávit spíritus meus in Deo salutári meo.

Credo.

**Offertorium 2 Paral. 7, 16** Elégi, et sanctificávi locum istum, ut sit ibi nomen meum, et permáneant

óculi mei, et cor meum ibi cunctis diébus.

Secreta

**T**ua, Dómine, propitiátione, et beátæ Maríæ semper Vírginis intercessióne, ad perpétuam atque præsentem hæc oblátio nobis proficiat prosperitátem et pacem. Per Dóminum nostrum Jesum Christum Fílium tuum: Qui tecum vivit et regnat in unitáte Spíritus Sancti Deus: per ómnia sácula sæculórum.

**Præfatio de B. Maria Virg.** Et te in Festivitate.

**Communio Ps. 147, 20** Non fecit taliter omni nátióni: et judícia sua non manifestávit eis.

Postcommunio

**S**umptis, Dómine, salútis nostræ subsidiis: da, quæsumus, beátæ Maríæ semper Vírginis patrocíniis nos ubique prótegi; in cujus veneratióne hæc tuæ obtúlimus majestáti. Per Dóminum nostrum Jesum Christum Fílium tuum: Qui tecum vivit et regnat in unitáte Spíritus Sancti Deus: per ómnia sácula sæculórum.

## S. FRANCISCÆ XAVERIÆ CABRINI

VIRGINIS

Duplex II classis

## Introitus

Ps. 72, 24

**T**enuísti manum dexteram meam; et in voluntate tua deduxísti me, et cum glória suscepísti me. **Ps. ibid. 1** Quam bonus Israël Deus his, qui recto sunt corde. **V.** Glória Patri. **Tenuísti.**

## Oratio

**D**ómine Jesu Christe, qui sanctam Virginem Franciscam Xaveriam, Sacratissimi Cordis tui igne succensam, per amplíssimas mundi plagas ad ánimas tibi lucrandas deduxísti et per eam novam in Ecclesia tua Virginum familiam suscitásti: concéde, quæsumus; ut ipsa intercedente, ejúsdem Cordis tui virtutibus induámur atque ad ætérnum beatitudinis portum pervenire mereámur. Qui vivis.

Et fit Commemoratio Feriæ.

Lectio Epistolæ Beati Pauli Apóstoli  
ad Corínthios

1 Cor. 1, 26-31

**F**ratres: Videte vocationem vestram: quia non multi sapientes secundum carnem, non multi potentes, non multi nobiles: sed quæ stulta sunt mundi elégit Deus, ut confúndat sapientes; et infirma mundi elégit Deus, ut confúndat fórtia: et ignobília mundi et contemptibília elégit Deus, et ea quæ non sunt, ut ea quæ sunt destrúeret: ut non gloriétur omnis caro in conspéctu ejus. Ex ipso autem vos estis in Christo Jesu, qui factus est nobis sapientia a Deo et justitia, et sanctificatio et redemptio: ut quemádmódum scriptum est: Qui gloriátur, in Dómino gloriétur.

**Graduale Ps. 17, 33-34** Deus qui præcínxit me virtute: et pósuit immaculatam viam meam. **V.** Qui perfécit pedes meos tamquam cervórum: et super excélsa státuens me.

**Allelúja, allelúja. V. 1 Cor. 9, 22** Omnibus ómnia factus sum, ut omnes fácerem salvos. **Allelúja.**

**Post Septuagesimam, omissis Allelúja et versu sequenti, dicitur:**

**Tractus Ps. 17, 2-3** Díligam te, Dómine, fortitúdo mea: Dóminus firmamentum meum et refúgium meum et liberátor meus. **V.** Deus meus adjutor meus, et sperábo in eum: Protéctor meus, et cornu salutis meæ, et suscéptor meus. **V.** Laudans invocábo Dóminum: et ab inimícis meis salvus ero.

**Tempore autem Paschali omittitur Graduale, et ejus loco dicitur:**

**Allelúja, allelúja. V. 1 Cor. 9, 22** Omnibus ómnia factus sum, ut omnes fácerem salvos. **Allelúja. V. Ps. 72, 28** Mihi autem adhærere Deo bonum est: pónere in Dómino Deo spem meam. **Allelúja.**

✠ **Sequéntia sancti Evangélíi secundum Matthæum**

Matth. 11, 25-30

**I**n illo témpore: Respóndens Jesus dixit: Confíteor tibi, Pater, Dómine cæli et terræ, quia abscondísti hæc a sapientibus et prudentibus et revelásti ea párvulis. Ita Pater: Quóniam sic fuit plácitum ante te. Omnia mihi trádita sunt a Patre meo, et nemo novit Fílium nisi Pater: neque Patrem quis novit, nisi Fílius et cui volúerit Fílius reveláre.

Veníte ad me omnes qui laborátis et oneráti estis et ego refíciam vos. Tóllite jugum meum super vos, et díscite a me quia mitis sum et húmilis corde; et inveniétis réquiem animábus vestris; jugum enim meum suáve est, et onus meum leve.

**Offertorium Ps. 72, 28** Mihi autem adhærere Deo bonum est: pónere in Dómino Deo spem meam: ut annúntiem omnes prædicationes tuas in portis fíliæ Sion.

### Secreta

**M**únera quæ tibi, Dómine, in honórem sanctæ Francíscæ Xavériæ Vírginis offérimus, súscipe et præsta: ut sacratíssimo Fílii tui Cordi conformáti, hóstia acceptábilis et ipsi tibi efficiámur. Per eúndem Dóminum nostrum Jesum Christum Fílium tuum: Qui tecum vivit et regnat in unitáte Spíritus Sancti Deus: per ómnia sæcula sæculórum.

Et fit Commemoratio Feriæ.

**Communio Matth. 11, 28** Veníte ad me omnes qui laborátis et oneráti estis et ego refíciam vos.

### Postcommunio

**D**eus qui nos de plenitúdine Cordis dilécti Fílii tui cæléstia dona hauríre concédís: præsta, quæsumus, ut sanctæ Francíscæ Xavériæ exémpła prosequéntes; ejúsdem Fílii tui glóriam júgiter quærámus et ipsíus regni præmia consequámur. Qui tecum vivit et regnat in unitáte Spíritus Sancti Deus: per ómnia sæcula sæculórum.

Et fit Commemoratio Feriæ.

DIE 15 JANUARI

## B. MARIE VIRGINIS A PROMPTO SUCCURSU

Patronæ Præcipuæ Novæ Aureliæ  
et Provinciæ Ecclesiasticæ

Duplex I classis cum Octava communi

### Introitus

**G**audeámus omnes in Dómino, diem festum celebrántes sub honóre beátæ Mariæ Vírginis: de cujus festivitáte gaudent Angeli, et colláudant Fílium Dei. **Ps. 44, 2** Eructávit cor meum verbum bonum: dico ego ópera mea Regi. **℣.** Glória Patri. **G**audeámus.

### Oratio

**C**lementíssime Jesu, qui divítias misericórdiæ tuæ in sinu Matris Mariæ collocásti: concéde propítius; ut ejus patrocínio a cunctis malis mentis et córporis liberémur: Qui vivis.

Et fit Commemoratio S. Pauli Conf., ut in Missali hac die. 476

### Léctio libri Sapiéntiæ

Ecclesi. 24, 23-31

**E**go quasi vitis fructificávi suavitátem odóris: et flores mei, fructus honóris et honestátis. Ego mater pulchræ dilectionis, et timóris, et agnitiónis, et sanctæ spei. In me grátia omnis viæ et veritátis: in me omnis spes vitæ et virtútis. Transíte ad me omnes qui concupíscitis me, et a generatióibus meis implémini. Spíritus enim meus super mel dulcis, et heréditas mea super mel et favum. Memória mea in generatióes sæculórum. Qui edunt me, adhuc esúrient: et qui bibunt me, adhuc sítient.



Qui audit me, non confundetur: et qui operantur in me, non peccabunt. Qui elúcidant me, vitam ætérnam habébunt.

**Graduale Cant. 6, 3 et 9** Tota formósa et suávis es, fília Sion, pulchra ut luna, elécta ut sol, terríbilis ut castrórum ácies ordináta. **V. Judith 13, 22** Benedíxit te Dóminus in virtúte sua, quia per te ad níhilum redégit inimícos nostros.

Allelúja, allelúja. **V. Luc. 1, 28** Ave, María, grátia plena; Dóminus tecum: benedícta tu in muliéribus. Allelúja.

**Post Septuagesimam, omissis Allelúja, et Versu sequenti dicitur:**

**Tractus Prov. 8, 17-19** Ego diligéntes me díligo; et qui mane vígilant ad me, invénient me. **V. Mecum** sunt divítiae et glória, opes supérbæ, et justítia. **V. Mélior** est enim fructus meus auro, et lápide pretióso, et genímína mea argénto elécto.

**Tempore autem Paschali omittitur Graduale, et ejus loco dicitur:**

Allelúja, allelúja. **V. Luc. 1, 28** Ave, María, grátia plena; Dóminus tecum: benedícta tu in muliéribus. Allelúja. **V. Prov. 8, 34** Beátus homo qui audit me, et qui vígilat ad fores meas quotidie, et obsérvat ad postes óstii mei. Allelúja.

✠ **Sequéntia sancti Evangélíi secúndum Joánnem**  
**Joann. 2, 1-11**

**I**n illo témpore: Núptiæ factæ sunt in Cana Galiléæ: et erat mater Jesu ibi. Vocátus est autem et Jesus, et discípuli ejus ad núptias. Et deficiente vino, dicit mater Jesu ad eum: Vinum non habent. Et dicit ei Jesus: Quid mihi et tibi est, múlíer?

nondum venit hora mea. Dicit mater ejus minístris: Quodcúmque dixerit vobis, fácite. Erant autem ibi lapídeæ hýdriæ sex pósitæ secúndum purificatiónem Judæórum, capiéntes síngulæ metrétas binas, vel ternas. Dicit eis Jesus: Impléte hýdrias aqua. Et implevérunt eas usque ad summum. Et dicit eis Jesus: Hauríte nunc, et ferte architriclínó. Et tulérunt. Ut autem gustávit architriclínus aquam vinum factam, et non sciébat unde esset, minístri autem sciébant, qui háuserant aquam; vocat sponsum architriclínus, et dicit ei: Omnis homo primum bonum vinum ponit: et cum inebriáti fúerint, tunc id, quod detérius est. Tu autem servásti bonum vinum usque adhuc. Hoc fecit ínítium signórum Jesus in Cana Galiléæ: et manifestávit glóriam suam, et credidérunt in eum discípuli ejus. **Credo.**

**Offertorium Jerem. 18, 20** Recordáre, Virgo Mater, in conspéctu Dei, ut loquáris pro nobis bona, et ut avértat indignatiónem suam a nobis.

### Secreta

**T**ua, Dómine, propitiatióne, et beátæ Vírginis et Matris Mariæ intercessióne, ad perpétuam atque præsentem hæc oblátio nobis proficiat prosperitátem et pacem. Per Dóminum.

**Et fit Commemoratio S. Pauli Conf.**

**Præfatio de B. Maria Virg.** Et te in Festivitate.

**Communio** Regína mundi digníssima, María Virgo perpétua, intercede pro nostra pace et salúte, quæ genuísti Christum Dóminum Salvátorem ómnium.

## Postcommunio

**A**djuvet nos, quæsumus, Dómine, immaculátæ Genitrícis tuæ sempérque Vírginis Mariæ intercésio veneránda: ut, quos perpétuis cumulávit beneficiis, a cunctis periculis absolútos sua fáciat pietáte concórdes: Qui vivis et regnas.

*Et fit Commemoratio S. Pauli Conf.*

DIE 21 JANUARIi

*In Diœc. Montereyensis-Fresnensis*

SANCTÆ AGNETIS

VIRGINIS ET MARTYRIS

*Missa ut in Missali hac die. 484*

DIE 5 FEBRUARIi

*In Archidiœc. Baltimorensis-Washingtonensis, Angelorum, et in Diœc. Sancti Didaci*

S. PHILIPPI A JESU

MARTYRIS

Introitus

*Phil. 2, 10-11*

**I**n nómine Jesu omne genu flectá-tur, cæléstium, terréstrium, et infernórum: et omnis lingua confiteá-tur, quia Dóminus Jesus Christus in glória est Dei Patris. *Ps. 102, 1* Bénedic, ánima mea, Dómino: et ómnia, quæ intra me sunt, nómini sancto ejus. *V. Glória Patri. In nómine.*

Oratio

**D**eus, qui inter primos Japóniæ Mártýres beátum Philíppum cruci alligátum, triplicique lancea confóssum, primum ómnium mar-týrio coronásti: concéde propítius; ut ejúsdem nos suffúlti patrocínio, cum illo páriter coronémur in cælis. Per Dóminum.

*Et fit Commemoratio S. Agathæ Virg. et Mart., ut in Missali hac die. 504*

*Deinde, in Quadragesima, fit Commemoratio Feriæ in Missis non conventuali-bus.*

Léctio Epístolæ beáti Pauli Apóstoli ad Gálatas

*Gal. 6, 14-18*

**F**ratres: Mihi autem absit gloriári, nisi in cruce Dómini nostri Jesu Christi: per quem mihi mundus crucifíxus est, et ego mundo. In Christo enim Jesu neque circumcísio áliquid valet, neque præpútium, sed nova creatúra. Et quicúmque hanc régulam secúti fúerint, pax super illos, et misericórdia, et super Israël Dei. De cétero nemo mihi moléstus sit: ego enim stígmata Dómini Jesu in córpore meo porto. Grátia Dómini nostri Jesu Christi cum spíritu vestro, fratres. Amen.

*Graduale Ps. 102, 2-3* Bénedic, ánima mea, Dómino: et noli oblivísci omnes retributiónes ejus. *V. Qui propitiá-tur ómnibus iniquitatibus tuis, qui sanat omnes infirmitates tuas.*

Allelúja, allelúja. *V. Jac. 1, 12* Beátus vir, qui suffert tentatió-nem: quóniam cum probátus fúerit, accí-piet corónam vitæ. Allelúja.

*Post Septuagesimam, omissis Allelúja et Versu sequenti, dicitur:*

*Tractus Ps. 117, 16-18* Déxtera Dómini fecit virtútem: déxtera Dómini exaltávit me, déxtera Dómini fecit virtútem. *V. Non móriar, sed vivam: et narrábo ópera Dómini. V. Castígans castigávit me Dóminus: et morti non trádidit me.*

✠ Sequéntia sancti Evangélíi se-cúndum Mattháum

*Matth. 16, 24-27*

**I**n illo témpore: Dixit Jesus disci-pulis suis: Si quis vult post me veníre, ábneget semetípsum, et tollat



crucem suam, et sequatur me. Qui enim voluerit animam suam salvam facere, perdet eam: qui autem perdidit animam suam propter me, inveniet eam. Quid enim prodest homini, si mundum universum lucratur, animæ vero suæ detrimentum patiatur? Aut quam dabit homo commutationem pro anima sua? Filius enim hominis venturus est in gloria Patris sui cum Angelis suis: et tunc reddet unicuique secundum opera ejus.

**Offertorium Ps. 88, 25** Veritas mea, et misericordia mea cum ipso: et in nomine meo exaltabitur cornu ejus.

### Secreta

**S**anctifica, quæsumus, Domine, mûnera tibi dicata: et intercessione beati Philippi Martyris tui, ad perpétuum nobis tribue provenire subsidium. Per Dominum.

**Et fit Commemoratio S. Agathæ. 505**

**Communio Matth. 16, 24** Qui vult venire post me, abneget semetipsum, et tollat crucem suam, et sequatur me.

### Postcommunio

**S**acro corpore, et pretioso sanguine Jesu Christi, Filii tui, Domine, satiati: te supplices deprecamur; ut intercedente beato Philippo, Martyre tuo, ab omni adversitate liberemur. Per eundem Dominum.

**Et fit Commemoratio S. Agathæ. 505**

### DIE 11 FEBRUarii

**In Diœc. Spokaneensis**

### IN APPARITIONE B. M. V. IMMACULATÆ

**Missa ut in Missali hac die. 509**

### DIE 24 VEL 25 FEBRUarii

**In Diœc. Greatormensis**

### SANCTI MATTHIÆ AP.

**Missa ut in Missali hac die. 516**

### DIE 22 MARTII

### SANCTI ISIDORI AGRICOLÆ

**CONFESSORIS**

**Missa ut inter Festa pro aliquibus locis. (150)**

### DIE 27 APRILIS

**In Archidiœc. S. Francisci**

### S. TURIBII DE MOGROVEJO

**EPISCOPI ET CONFESSORIS**

### Introitus

**Eccli. 45, 30**

**S**tatuit ei Dominus testamentum pacis, et principem fecit eum: ut sit illi sacerdotii dignitas in ætérnum. Allelúja, allelúja. **Ps. 131, 1** Meménto Domine David: et omnis mansuetudinis ejus. **V.** Glória Patri. **Statuit.**

### Oratio

**E**cclésiám tuam, Domine, beati Turibii, Confessoris tui atque Pontificis, continúa protectione custodi: ut sicut illum pastoralis sollicitudo gloriósum reddidit, ita nos ejus intercessio in tuo semper faciat amore ferventes. Per Dominum.

**Et fit Com. S. Petri Canisii Conf. et Eccli. Doct. ut in Missali hac die. 555**

### Léctio libri Sapiéntiæ

**Eccli. 50, 1-14**

**E**cce sacerdos magnus, qui in vita sua suffulsit domum, et in diebus suis corroboravit templum. Templi étiam altitúdo ab ipso fundata est, duplex ædificatio, et excelsi parietes templi. In diebus ipsius emanaverunt putei aquarum, et quasi mare adimpléti sunt supra modum. Qui curavit gentem suam, et liberavit eam a perditione. Qui prævaluit amplificare civitatem: qui adéptus est glóriam in conversatione

gentis, et ingressum domus et atrii amplificavit. Quasi stella matutina in medio nebulae, et quasi luna plena in diebus suis lucet. Et quasi sol refulgens, sic ille effulsit in templo Dei. Quasi arcus refulgens inter nebulas gloriae, et quasi flos rosarum in diebus vernis, et quasi lilia quae sunt in transitu aquae, et quasi thus redolens in diebus aestatis. Quasi ignis effulgens, et thus ardens in igne. Quasi vas auri solidum, ornatum omni lapide pretioso. Quasi oliva pullulans, et cyprissus in altitudinem se extollens. Circa illum corona fratrum: quasi plantatio cedri in monte Libano, sic circa illum steterunt quasi rami palmae, et omnes filii Aaron in gloria sua.

Allelúja, allelúja. *V. Ps. 109, 4* Tu es sacerdos in aeternum, secundum ordinem Melchisedech. Allelúja. *V.* Hic est sacerdos, quem coronavit Dominus. Allelúja.

✠ Sequéntia sancti Evangélíi secúndum Mattháum

*Matth. 25, 14-23*

**I**n illo tempore: Dixit Jesus discipulis suis parabola hanc: Homo peregre proficiscens, vocavit servos suos, et tradidit illis bona sua. Et uni dedit quinque talenta, alii autem duo, alii vero unum, unicuique secundum propriam virtutem, et profectus est statim. Abiit autem qui quinque talenta acceperat, et operatus est in eis, et lucratus est alia quinque. Similiter et qui duo acceperat, lucratus est alia duo. Qui autem unum acceperat, abiens fodit in terram, et abscondit pecuniam domini sui. Post multum vero temporis venit dominus servorum illorum, et posuit rationem cum eis. Et accedens qui quinque talenta accé-

perat, obtulit alia quinque talenta dicens: Domine, quinque talenta tradidisti mihi, ecce alia quinque superlucratus sum. Ait illi dominus ejus: Euge serve bone, et fidelis, quia super pauca fuisti fidelis, super multa te constituam: intra in gaudium domini tui. Accessit autem et qui duo talenta acceperat, et ait: Domine, duo talenta tradidisti mihi, ecce alia duo lucratus sum. Ait illi dominus ejus: Euge serve bone, et fidelis, quia super pauca fuisti fidelis, super multa te constituam: intra in gaudium domini tui.

*Offertorium Ps. 88, 21-22* Inveni David servum meum, oleo sancto meo unxi eum: manus enim mea auxiliabitur ei, et brachium meum confortabit eum. Allelúja.

### Secreta

**S**ancti tui, quæsumus, Domine, nos ubique lætificent: ut, dum eorum mérita recólimus, patrocínia sentiámus. Per Dóminum.

*Communio Luc. 12, 42* Fidelis servus et prudens, quem constituit dominus super familiam suam: ut det illis in tempore tritici mensuram. Allelúja.

### Postcommunio

**P**ræsta, quæsumus, omnipotens Deus, ut, de perceptis munéribus grátias exhibéntes, intercedente beáto Turíbio Confessóre tuo atque Pontífice, benefícia potióra sumámus. Per Dóminum.

DIE 22 MAJI

*In Archidiœc. Angelorum et in Diœc. Sancti Didaci*

S. RITÆ A CASSIA

VIDUÆ

*Missa ut inter Festa pro aliq. locis. (152)*

## DIE 23 MAJI

*In Archidiœc. Angelorum et in Diœc. Sancti Didaci***S. JOANNIS BAPTISTÆ  
DE ROSSI**

CONFESSORIS

*Missa ut inter Festa pro aliquibus locis.  
(154)*

## DIE 9 JUNII

*In Diœc. Montereyensis-Fresnensis***SANCTI COLUMBÆ**

ABBATIS

*Missa Os justi, de Communi Abbatum.  
(25)*

## DIE 16 JUNII

*In Diœc. Kansanopolitanæ***S. JOANNIS FRANCISCI  
REGIS**

CONFESSORIS

*Patroni Missionum Diœc.  
Kansanopolitanæ**Missa ut inter Festa pro aliquibus locis  
(166), et dicitur Credo.*

## DIE 22 JUNII

*In Diœc. Roffensi***S. JOANNIS FISHER**

EPISCOPI ET MARTYRIS

Duplex

*Missa Státuit, de Communi unius Mar-  
tyris 1º loco (3) præter Orationes sequen-  
tes:***Oratio**

P

**D**eus, qui beáto Pontífici tuo Jo-  
ánni pro veritate et justitia  
magno ánimo vitam profúndere tri-  
buísti: da nobis, ejus intercessióne et  
exémpló, vitam nostram pro Christo  
in hoc mundo pérdere ut eam in cælo  
inveníre valeámus. Per eúmdem  
Dóminum.

*Et fit Commemoratio S. Paulini Ep. et  
Conf. ut in Missali hac die. 614***Secreta**

P

**C**lementíssime Deus, múnera hæc  
tua benedictióne perfúnde, et

nos in ea fide confírma, quam beá-  
tus Joánnes, Martyr et Póntifex  
tuus, effúso ságuine, proclamávit.  
Per Dóminum.

*Et fit Commemoratio S. Paulini Ep. et  
Conf. ut in Missali hac die. 615***Postcommunio**

P

**S**píritum, Dómine, fortitúdinis hæc  
nobis tríbuat mensa cæléstis,  
quæ beáti Joánnis Mártiris tui atque  
Pontíficis vitam pro Ecclésiæ honóre  
júgiter áluit ad victóriam. Per Dó-  
minum nostrum.

*Et fit Commemoratio S. Paulini Ep. et  
Conf. ut in Missali hac die. 615*

## DIE 27 JUNII

*In Diœc. Savannensis-Atlantensis***B. Mariæ Virginis  
DE PERPETUO SUCCURSU***Missa ut inter Festa pro aliquibus locis.  
(168)*

## DIE 4 JULII

*In Archidiœc. Angelorum et in Diœc. Sancti  
Didaci***IN COMMEMORATIONE  
OMNIUM SS. SUMMORUM  
PONTIFICUM***Missa ut inter Festa pro aliquibus locis.  
(169)*

## DIE 24 JULII

*In Archidiœc. S. Francisci***S. FRANCISCI SOLANI**

CONFESSORIS

**Introitus****Ps. 36, 30-31**

**O**s justi meditábitur sapiéntiam,  
et lingua ejus loquétur judí-  
cium: lex Dei ejus in corde  
ipsíus. *Ps. ibid., 1* Noli æmulári in  
malignántibus: neque zeláveris fa-  
ciéntes iniquitátem. *Ÿ.* Glória Patri.  
**O**s justi.



## Oratio

**D**eus, qui plúrimas Américæ gentes per beátum Francíscum ad sinum Ecclesiæ perduxísti: ejus méritis et précibus indignatióem tuam a peccátis nostris avérte; et in gentes, quæ te non cognovérunt, timórem nóminis tui benígnus immitte. Per Dóminum.

*Et fit Commemoratio (Vigiliæ in Missis non conventualibus, et) S. Christinæ Virg. et Mart. ut in Missali hac die. 667*

Lectio Epístolæ beáti Pauli Apóstoli ad Romános

*Rom. 10, 10-18*

**F**ratres: Corde enim créditur ad justítiam: ore autem conféssio fit ad salútem. Dicit enim Scriptúra: Omnis qui credit in illum non confundétur. Non enim est distinctio Judæi et Græci: nam idem Dóminus ómnium, dives in omnes qui ínvocant illum. Omnis enim, quicúmque invocáverit nomen Dómini, salvus erit. Quómodo ergo invocábunt, in quem non credidérunt? Aut quómodo credent ei, quem non audiérunt? Quómodo autem áudient sine prædicánte? Quómodo vero prædicábunt, nisi mittántur? sicut scriptum est: Quam speciósi pedes evangelizántium pacem, evangelizántium bona! Sed non omnes obédiunt Evangélio. Isaías enim dicit: Dómine, quis crédidit auditui nostro? Ergo fides ex auditu, auditus autem per verbum Christi. Sed dico: Numquid non audiérunt? Et quidem in omnem terram exívit sonus eórum, et in fines orbis terræ verba eórum.

*Graduale Ps. 91, 13 et 14* Justus ut palma florébit: sicut cedrus Líbani multiplicábitur in domo Dómini. *Ÿ. Ibid., 3* Ad annuntián-

dum mane misericórdiam tuam, et veritátem tuam per noctem.

Allelúja, allelúja. *Ÿ. Jac. 1, 12* Beátus vir, qui suffert tentatióem: quóniam cum probátus fúerit, accípiet corónam vitæ. Allelúja.

✠ Sequéntia sancti Evangélíi secúndum Marcum

*Marc. 16, 15-18*

**I**n illo témpore: Dixit Jesus discí-pulis suis: Eúntes in mundum univérsum, prædicáte Evangélium omni creatúræ. Qui credíderit, et baptizátus fúerit, salvus erit: qui vero non credíderit, condemnábitur. Signa autem eos, qui credíderint, hæc sequéntur: In nómine meo dæmónia ejíciant: linguis loquéntur novis: serpéntes tollent: et si mortíferum quid bíberint, non eis nocébit: super ægros manus impónent, et bene habébunt.

*Offertorium Ps. 88, 25* Véritas mea, et misericórdia mea cum ipso: et in nómine meo exaltábitur cornu ejus.

## Secreta

**M**unus, quod tibi offérimus, det nobis, quæsumus, omnípotens Deus, fidei, spei, et caritátis augméntum: et ut mereámur ássequi quod promíttis, interveniénte beáto Francíscó Confessóre tuo, fac nos amáre quod præcipis. Per Dóminum.

*Communio Matth. 24, 46-47* Beátus servus quem, cum vénerit dóminus, invénerit vigilántem: amen dico vobis, super ómnia bona sua constitúet eum.

## Postcommunio

**U**t sumptis, Dómine, reddámur digni munéribus: intercedénte beáto Francíscó Confessóre tuo, fac nos tuis semper obedíre mandátis. Per Dóminum.

DIE 31 JULII

In Archidiœc. Baltimorensis-Washingtonensis

**SANCTI IGNATII**

CONFESSORIS

Missa ut in Missali hac die. 675

DIE 5 AUGUSTI

In Diœc. Renensis

**IN DEDICATIONE  
S. Mariæ ad Nives**

Missa ut in Missali hac die. 686

DIE 11 AUGUSTI

In Archidiœc. S. Francisci, Angelorum et in  
Diœc. Montereynsis - Fresnoensis, et Sancti  
Didaci**SANCTI EMIGDII**

EPISCOPI ET MARTYRIS

Missa ut inter Festa pro aliq. locis. (174)

DIE 18 AUGUSTI

In Diœc. Helenensis

**SANCTÆ HELENÆ**

IMPERATRICIS, VIDUÆ

**Tit. Ecclesiæ Cathedralis**Missa Cognôvi, de Communi non Vir-  
ginum 2° loco. (36)

DIE 30 AUGUSTI

In Archidiœc. Angelorum et in Diœc. Sancti  
Didaci**SANCTÆ ROSÆ A S. MARIA**

VIRGINIS LIMANÆ

Missa ut in Missali hac die. 720

DIE 1 SEPTEMBRIS

In Archidiœc. Angelorum

**SANCTÆ VIBIANÆ**

VIRGINIS

**Tit. Ecclesiæ Cathedralis  
Ss. Angelorum**Missa Loquébar, de Communi Virgi-  
num et Martyrum 1° loco (26)

Dicitur Credo per Octavam.

Et fit Commemoratio S. Ægidii Abbatis  
ac Ss. Duodecim Fratrum Martyrum ut  
in Missali hac die. 722

DIE 7 SEPTEMBRIS

In Diœc. S. Clodoaldi

**S. CLODOALDI**

CONFESSORIS

**Patroni diœc. S. Clodoaldi**Missa Os justi, de Communi Confesso-  
ris non Pontificis 1° loco (22) præter Ora-  
tiones sequentes:**Oratio****P**

**D**eus qui beátum Clodoáldum  
propter te humiliátum in sæculo,  
et sacerdótii múnere et virtútum  
splendóre sublimásti: tríbe nos,  
ejus exémplo tibi digne ministráre,  
et per ejus intercessiónem grátia  
semper et mérito profícere. Per  
Dóminum.

**Secreta****P**

**T**e, Dómine, fidei nostræ salutis-  
que auctórem cum sancto Sacer-  
dóte Clodoáldo confiténtes, quæsu-  
mus; ut hanc de mánibus nostris  
hóstiam laudis cleménter suscípias,  
et qua religióne ipse vota sua réd-  
didit, eádem nobis tríbuas nostra  
persólvere. Per Dóminum.

**Postcommunio****P**

**S**uméntes, Dómine, in festivitáte  
sancti Clodoáldi Sacerdótis di-  
vína mystéria: te súpplices deprecá-  
mur, ut eréctis ad cæléstia méntibus,  
ómnia detriméntum fácere valeámus  
propter eum qui semetípsum nobis  
dedit, Jesum Christum Fílium tuum  
Dóminum nostrum: Qui tecum vivit  
et regnat in sæcula sæculórum.

DIE 9 SEPTEMBRIS

In pluribus Diœcesibus

**SANCTI PETRI CLAVER**

CONFESSORIS

Missa ut inter Festa pro aliquibus locis.  
(184)



DIE 26 SEPTEMBRIS

Ss. ISAACI JOGUES, JOANNIS  
DE BREBEUF ET SOCIORUM

MARTYRIUM

Introitus

Apoc. 7, 14

**H**i sunt qui venérunt de tribulatione magna, et lavérunt stolas suas, et dealbavérunt eas in sánguine Agni. *Ps. 116, 1* Laudáte Dóminum, omnes gentes; laudáte eum, omnes pópuli. *V.* Glória Patri. *Hi sunt.*

Oratio

**D**eus, qui primitias fidei in boreálibus Américæ regiónibus sanctórum Mártýrum tuórum Isaáci, Joánnis eorúmque Sociórum prædicatione et sánguine consecrásti: concéde propítius; ut eórum intercessióne, flórida christianórum seges ubique in dies augeátur. Per Dñm.

*Et fit Commemoratio Ss. Cypriani et Justinæ, Virginis Mm., ut in Missali hac die 743, in Missis privatis tantum.*

Lectio Epístolæ beáti Pauli Apóstoli  
ad Corínthios

2 Cor. 12, 11-15

**F**ratres: Ego a vobis débui commendári: nihil enim minus fui ab iis qui sunt supra modum Apóstoli, tamétsi nihil sum. Signa tamen apostolátus mei facta sunt super vos, in omni patientia, in signis et prodigiis et virtútibus. Quid est enim quod minus habuístis præ céteris ecclésiis, nisi quod ipse non gravávi vos? Donáte mihi hanc injúriam. Ecce tértio hoc parátus sum venire ad vos: et non ero gravis vobis. Non enim quæro quæ vestra sunt, sed vos; nec enim debent filii paréntibus thesaurizáre, sed paréntes filiis. Ego autem libénter impéndam et super-

impéndar ipse pro animábus vestris: licet plus vos diligens, minus diligar.

*Graduale Ps. 123, 7-8* Anima nostra, sicut passer, erépta est de láqueo venántium. *V.* Láqueus contrítus est et nos liberáti sumus: adiutorium nostrum in nómine Dómini, qui fecit cælum et terram.

Allelúja, allelúja. *V. 2 Cor. 1, 5* Sicut abúndant passiónes Christi in nobis, ita et per Christum abúndat consolátio nostra, allelúja.

*In Missis votivis: Post Septuagesimam omissis Allelúja et Versu sequenti, dicitur:*

*Tractus Ps. 125, 5-6* Qui séminant in lácrimis, in gáudio metent. *V.* Eúntes ibant et flebant, mitténtes sémina sua. *V.* Veniéntes autem vénient cum exsultatióne, portántes manipulos suos.

*Tempore autem Paschali omittitur Graduale, et ejus loco dicitur:*

Allelúja, allelúja. *V. 2 Cor. 1, 5* Sicut abúndant passiónes Christi in nobis, ita et per Christum abúndat consolátio nostra, allelúja. *V. Exodi 15, 11* Gloriósus Deus in Sanctis suis: mirábilis in majestáte fáciens prodigia, allelúja.

✠ Sequéntia sancti Evangélii secúndum Lucam

Luc. 6, 17-23

**I**n illo témpore: Descéndens Jesus de monte, stetit in loco campéstri, et turba discipulórum ejus et multitúdo copiósa plebis ab omni Judæa, et Jerúsalem, et marítima, et Tyri, et Sidónis, qui vénerant, ut audírent eum et sanaréntur a languóribus suis. Et qui vexabántur a spirítibus immúndis, curabántur. Et omnis turba quærébat eum tângere; quia virtus de illo exíbat et sanábat omnes. Et ipse, elevátis óculis in discipulos suos, dicébat:



Beáti páuperes: quia vestrum est regnum Dei. Beáti, qui nunc esurítis: quia saturabímmini. Beáti, qui nunc fletis: quia ridébitis. Beáti éritis, cum vos óderint hómines, et cum separáverint vos, et exprobráverint, et ejécerint nomen vestrum tamquam malum propter Fílium hóminis. Gaudéte in illa die et exsultáte: ecce enim, merces vestra multa est in cælo.

**Offertorium Sap. 3. 6** Tamquam aurum in fornáce probávit illos Dóminus, et quasi holocáusti hóstiam accépit illos.

### Secreta

**I**mmaculátam hóstiam fac nos, Dómine, méntibus tibi puris offérre, quam Sanctis Martíribus tuis illibátus vitæ candor et juge mortificationis stúdiu dapem suavíssimam efficiébant. Per Dóminu.

Et fit Commemoratio Ss. Cypriani et Justinæ Virginis Mm.

**Communio Philipp. 1, 20-21** Magnificábitur Christus in corpore meo, sive per vitam sive per mortem: mihi enim vívere Christus est et mori lucrum.

### Postcommunio

**F**órtium pane reféctis tríbe nobis, omnípotens Deus: ut, sicut sancti Mártyres tui Isaácus, Joánnes eorúmque Sócii, eódem roboráti, ánimam suam pro fratribus pónere non dubitárent; ita nos, alter altérius ónera portántes, próximos nostros ópere et veritate diligámus. Per Dóminu.

Et fit Commemoratio Ss. Cypriani et Justinæ Virginis Mm.

### DIE 3 OCTOBIS

In Diœc. Montereyensis-Presnensis

## S. TERESIÆ A JESU INFANTE VIRGINIS

Missa ut in Missali hac die. 749

### DIE 3 NOVEMBRIS

In Diœc. Tucsonensis

## B. MARTINI DE PORRES

Missa ut infra, die 5 Novembris.

### DIE 5 NOVEMBRIS

In Archidiœc. Angelorum, Chicagiensis et Provinciæ Ecclesiasticæ, Dubuquensis, Milwauchiensis et Provinciæ Ecclesiasticæ, et in Diœc. Clevelandensis et Sancti Didaci

## SS. RELIQUIARUM

Missa ut inter Festa pro aliq. locis. (188)

### DIE 5 NOVEMBRIS

In Archidiœc. Novæ Aureliæ et in Diœc. Lafayetteensis et Natchetensis

## B. MARTINI DE PORRES

CONFESSORIS ORD. PR. ED.

Missa Justus ut palma, de Comuni Conf. non Pont. 2 loco (24) cum Com. Octavæ Omnium Sanctorum et Credo.

### Oratio

P

**D**eus humílium celsitúdo, qui beátum Martínu Confessórem tuu ad cæléstia regna transire fecísti: ejus méritis et intercessióne concéde, nos ejus humilitátem ita imitári in terris; ut cum ipso exaltári mereámur in cælis. Per Dóminu nostru.

### Secreta

P

**H**anc hóstiam, Dómine, quam tibi in honórem beáti Martíni Confessoris sacrándam offérimus, benígnus súscipe: et præsta, ut ejus pia intercessióne, nobis efféctum tuæ salvatiónis impéndat. Per Dóminu nostru.

## Postcommunio

P

**C**æléstibus aliméntis enutríti, súpplices te rogámus, Dómine Deus noster: ut beáto Martíno Confessóre pro nobis intercedénte; tuis semper valeámus obedire mandátis. Per Dóminum nostrum Jesum Christum Fílium tuum: Qui tecum vivit et regnat in unitáte Spíritus Sancti Deus: per ómnia sáecula sáeculórum.

DIE 17 NOVEMBRIS

In Archidiœc. S. Ludovici

## B. PHILIPPINÆ DUCHESNE

VIRGINIS

Duplex majus

Missa Dilexísti, de Communi Virginum  
3º loco (30) præter Orationes sequentes:

Oratio

P

**D**eus, qui caritátis dona in corde beátæ Philippinæ infudísti: ejus méritis et précibus concéde; ut fidéles

tui quæ tibi sunt plácita, tota dilecti-  
óne perfícient. Per Dóminum.

Et fit Commemoratio S. Gregorii Thaumaturgi Ep. et Conf. ut in Missali hac die.  
797

Secreta

P

**P**reces et hóstias, Dómine, bení-  
gnus assúme, quas in beátæ Philippinæ festivitáte dicámus, cujus ánimus tibi sédula oratióne et sui ipsíus immolatióne adhærébat. Per Dóminum nostrum.

Et fit Commemoratio S. Gregorii Thaumaturgi Ep. et Conf. ut in Missali hac die.  
798

Postcommunio

P

**C**ælésti dape refécti, quæsumus. Dómine, ut beátæ Philippinæ vestígiis insisténtes, dilectíssimi Fílii tui regnum ubíque géntium dilatáre studeámus. Per eúmdem Dóminum.

Et fit Commemoratio S. Gregorii Thaumaturgi Ep. et Conf. ut in Missali hac die.  
798

## Index Alphabeticus

B. M. V. a Prompto Succursu .....	15 Jan.	2b	Joannis Baptistæ de Rossi Conf. ....	23 Maji	7
B. M. V. de Guadalupe .....	12 Dec.	1	Joannis Fisher Ep. et Mart. ....	22 Junii	7
B. M. V. de Perpetuo Succursu .....	27 Junii	7	Joannis Francisci Regis Conf. ....	16 Junii	7
In Apparitione B. M. V. immaculatæ ....	11 Feb.	5	Matthiæ Ap. ....	24 vel 25 Feb.	5
In Dedicatione S. Mariæ ad Nives .....	5 Aug.	9	Petri Claver Conf. ....	9 Sept.	9
Agnætis Virg. et Mart. ....	21 Jan.	4	Philippi a Jesu Mart. ....	5 Feb.	4
Clodoaldi Conf. ....	7 Sept.	9	Philippinæ Duchesne Virg. ....	17 Nov.	12
Columbæ Abbatis .....	9 Junii	7	Reliquiarum sacrarum .....	5 Nov.	11
Emigdii Ep. et Mart. ....	11 Aug.	9	Ritæ a Cassia Vid. ....	22 Maji	6
Francisci Solani Conf. ....	24 Julii	7	Rosæ a S. Maria Virg. Limanæ .....	30 Aug.	9
S. Franciscæ Xaveriæ Cabrini Virg .....	22 Dec.	2a	Teresiæ a Jesu Infante Virg. ....	3 Oct.	11
Helensæ Imperatricis, Viduæ .....	18 Aug.	9	Turibii de Mogrovejo Ep. et Conf. ....	27 Apr.	5
Ignatii Conf. ....	31 Julii	10	Vibianæ Virg. ....	1 Sept.	9
Isaaci Jogues Joannis de Brebeuf et			In Comm. Omnium Ss. Summ. Ponti-		
Sociorum Mm. ....	26 Sept.	10	ficium .....	4 Julii	7
S. Isidori Agricolæ Conf. ....	22 Martii	5	B. Martini de Porres Conf. ....	3 vel 5 Nov.	11

### IMPRIMATUR

Novi Eboraci, Festo Sancti Anselmi, 1952

*Franciscus Card. Spellman*

*Archiepiscopus Neo-Eboracensis*

L.† S.